



## ATASSUT INATSISARTUNI

ATASSUT

UPA15/118-1beh

Siverth K. Heilmann

23.04.2015.

Naalakkersuisut pisortat pisiortorneranni inatsisitigut, teknikikkut aammalu niuernerpalaarneq eqqarsaatigalugu neqeroortitsinermi atorneqartartussamik inatsisisstatut siunnersummik saqqummiussinissamut pisussaaffilerneqarnissaannik Inatsisartut aalajangiussassaattut siunnersuut. Inatsisisstatut siunnersuutip qulakkiissavaa pisiffigisat assigiimmik pineqarnissaat, neqerooruteqartitsinermi pisiffissat toqqarneqarneranni sinaakkutissat ersarissuunissaat aammalu neqerooruteqartoqartillugu maalaaruteqarfiusinnaasumik pilersitsisoqarnissaa. Inatsisisstatut siunnersuummi aamma pisiffissat toqqarneqarneranni inuiaqatigiit aningaasaqarnerat tamakkiinerusumik qanoq isiginiarneqartassanersut pillugit maleruagassiertoqarnissaa ilaatinneqassaaq.

(Inatsisartunut ilaasortaq Naaja Nathanielsen, Inuit Ataqatigiit)

ATASSUT-miit siunnersuut pillugu imatut naatsumik oqaaseqassaagut.

Inatsisartuni ilaasortap Naaja Nathanielsen-ip, Inuit Ataqatigiit, ukiakkut 2013-imi inatsisartunut mannarpiqaq, aalajangiiffigisassatut siunnersuuteqarnermigut saqqummiunnikuuvaa.

ATASSUT-miit siunnersuuteqartoq isumaqatigilluinnarparput, Kalaallit Nunaanni nioqquqtiisanik pisiniartarneq tamatigut akikinnerpaajusanginnersa kiisalu akikinnerpaarsiuineq tamatigut pitsaanerpaaajusanginnersa.

Kaajallaasitaliaqarneq tamatigut naammattanngilaq taamaattumillu inatsisartuni inatsisiliortutut pisussaaffigaarput pisortat namminersortullumi pisiortortarnerannut sinaakkusiisussamik ullutsinnullu naleqqusaaanissamik inatsiseqartariaqarneq.

Siunnersuuteqartup tunngavilersuutai ATASSUT-miit paasinarluarput aammalu maluginiarparput Naalakkersuisut siunnersummumut akissuteqarnerminni ammaffigigaat kaajallaasitat massakkut atuuttup naleqqussarneqartariaqartoq, pisiortorfiit assigiimmik pineqarnerat pisiortorfinnillu



## **ATASSUT INATSISARTUNI**

toqqaanermut killiliussat ersarissuunissaat pingaartinneqarluni, taamatullu iliuuseqarnermi siunissami aamma Naalakkersuisuniit ukkatarinninnerunissamik siunnerfigineqartut ATASSUT-miit tamakkiisumik taperserpagut.

Siunnersuutip imarisaa Naalakkersuisunilu saqqummiunneqartut tamaasa itisilinngikkaluarlugit, tunngaviatigut isumaqatigigatsigit, taamatullu naatsumik oqaaseqarluta ATASSUT-miit aalajangiiffigisassatut siunnersuut taperserparput, aappassaaneerneqannginneranili ataatsimiititaliami susassaqartumi peqqissaarullugu suliarineqarnissaanut innersuusivugut.